

萬

曆

疏

鈔

萬曆疏鈔卷二十九

礦稅類

馬鳴鑾

開礦事在必行敬陳愚慮疏

姚思仁

中原困疲乞停開採疏

馬鳴鑾

採礦利薄民困難堪懇恩停止疏

傅好禮

假官抽稅乞賜拏究以甦畿甸二疏

劉田寧

羣邪誤國直陳利害疏

馬鳴鑾

礦稅繁興人心惶駭乞聖斷亟停疏

李三才

政亂民離目擊真切疏

李三才

萬民塗炭已極乞賜省覽疏

溫純

慶典在即懇乞寬選繫併停礦稅疏

主德完

特禁重征并懲欺罔以安西陲疏

馮應京

稅監違旨剝民乞加誅責疏

九卿疏

人情屢變聖意挽回當早疏

九卿疏

反側可虞民變踵至乞罷權採疏

九卿疏

民變踵至可虞聖政改圖難緩疏

趙世卿

仰贊天心仁愛疏

趙世卿

民生垂斃可惻天語勢難及汗疏

九卿疏公

信諭旨以安聖躬以安天下疏

溫純

亟勅正法以平衆怨疏

萬曆疏鈔卷二十九

礦稅類

開礦事在必行敬陳愚慮以備採擇疏

馬鳴鑾

撫治鄖陽右僉都御史  
萬曆二十四年八月

七月二十日准戶部咨臣乃知我皇上特允府軍  
前衛千戶仲春等採礦之奏該部一疏請勘再疏差  
官俱奉聖旨以糜費騷擾爲戒又令撫臣調兵防  
護而叮嚀之曰務保無虞臣仰窺皇上於阜國安  
民蓋留神慎重之至矣夫大工方興經費浩繁誠得

百萬金以佐水衡之急臣且踴躍爲之況明旨其  
嚴如此乎祇緣關繫地方事體重大臣欲以利害之  
說進而該部及科臣已詳言之皆苦口之忠言老成  
之極思也臣聖心斷在必行臣耿耿亦復何說卽日  
督行司道查照遵行肅上命也但其中事情尚有未  
可遽然嘗試者臣昔爲滇南兵備五載頗知礦事敬  
爲皇上陳之夫礦一也在滇南何開之易而中土  
何以難也滇南越在萬里諸礦洞又偏在蠻烟瘴雨  
深山窮谷之中其洞夫皆召集於洞頭而養贍其家

然亦本省貧民遠則川貴遊食無賴之子每洞多不  
過二百餘人止耳非有蟻聚蠱屯不可散之勢也而  
所在有土司勁兵彈壓之亂安從生若河南南陽則  
所謂四通八達之地也礦徒偶一嘯聚輒以千計今  
聞此風聚而待採者不下數千人矣豈皆土著之民  
如文節等哉臣查文節本身地不足二頃更荒穢不  
治合一戶之地派糧六十餘石升合不納也度其力  
量豈能自開令數千人叢集而開節又未必能管束  
也彼不逞之徒知利有所分豈其以辛苦所得之礦

砂而盡歸於鑪冶將一一使官兵追詰則抗拒格殺  
無日無之亂從茲起矣必令礦徒馴於採取而又樂  
於輸官然後可此臣愚慮之而未有良策者一也臣

觀滇南銀場大抵視砂之衰旺每百觔可煎銀若干  
委官量抽四分之一或三分之一一定爲則例而洞長  
輸焉有司第以官法治之禁其焚爭而坐收其餘利  
耳故民樂於採而無缺望躑躅之心今使百姓自採  
是矣而一洞所產得礦幾何三七分之得銀幾何彼  
文節者額徵稅糧不以給公上而一旦自捐工本歲



輸內帑數百萬金不待智者而知其詐矣且礦徒聚  
處飲食若流非埏腦所能獨辦也其勢必接濟於遠  
近之居民居民啗其厚利亦不惜罄所有以供之接  
濟窮而米糧絕雖有金錢無從糴買饑餓日迫非劫  
奪胡以爲資如近歲裕葉間事可覩矣此臣愚慮之  
而未育良策者立也夫礦開則土著之民釋耰鋤之  
業而逐錐鑿之利田疇荒蕪富歲無望茲其害猶可  
言也惟是礦脉易衰而人之趨利無厭異日者此曹  
引類呼朋不至數十萬不止大衆未集強者爲雄有

限官兵作何防禦此臣愚慮之而未有良策者三也  
卽以調兵一節言之 明旨不許支費錢糧而各兵  
行糧則不可少者採礦非旬月可罷則調兵非旬月  
可撤聞嘉靖間防守官兵一千二百員名非多也而  
廩給口糧所費不貲彼其時積有餘金尙堪支用今  
饑荒之後所在庫藏空虛矣而差官往來更有必不  
可省之供應將取於民乎抑取於礦乎此臣愚慮之  
而未有良策者四也夫礦不難開也開之而上有益  
於朝廷下有濟於百姓奸宄不敢煽亂戍卒不致糜

費則亦何憚而不開臣與該省撫按所謂當事之臣也欽奉綸音敢不悉心經畫以稱上意顧所謂經畫者必熟慮而後得之今臣徒抱此區區之慮而計無所出不及今一陳於君父之前非忠也伏乞 勅下戶部查議長便之策覆請行臣等遵奉施行若其間禍患可虞之事臣不敢具論 皇上聰明天縱儻穆然深思必以部科諸臣之言爲是則成命可以收回實宗社萬萬年無疆之祚匪獨中原地方之福也

中原因疲乞停開採疏

姚思仁

巡按河南監察御史  
萬曆二十五年四月

竊惟中原八郡實爲天下樞機南控江淮北引燕趙  
東聯鄒魯西達關陝從古以來帝王必爭之地譬之  
人身則爲腹心譬之屋室則爲堂奧比因水潦頻仍  
民困至極至于子食父肉人食馬糞皇上憫重地  
之荒允部科之議蚤發帑金數十萬兩漕米數萬石  
特簡能臣星馳往賑卽今凋疲之民不至流移死徙  
之盡者皆皇上之再造也顧生氣稍回菜色未變

昨歲忝禾已經蝗蝻喫盡今春麥苗又復旱暵焦枯  
多方撫綏猶慮變生意外豈堪勝此開採之大役乎  
夫開礦之有害無利得不償失歷經諸臣條奏已明  
臣無容贅惟是臣自十二月十三日入境以來卽巡  
行郡邑問民疾苦其間礦頭礦夫剝膚竭髓裂服皴  
眉溺河湓樹之狀皇上目不忍見者臣已親見之  
販夫販婦折屋賣田鬻妻售子哀號痛哭之聲皇  
上耳不忍聞者臣已親聞之變動生十眉曉叛亂起  
于呼吸大可慮者有八臣請歷數于前皇上試垂

聽焉一曰礦盜哨聚召亂之可慮二曰礦頭累極土崩之可慮三曰礦夫殘害逃亡之可慮四曰礦兵糧缺課呼之可慮五曰礦洞遍開浪費之可慮六曰礦砂銀少逼買之可慮七曰民皆開礦失業之可慮八曰奏官肆橫激變之所慮夫宛葉素稱盜藪每每千百爲羣藏匿山谷今礦洞一開蜂屯蟻聚而至者不下數萬防守官兵雖極力捍禦屢有擒斬然此輩閔不畏死恒伺間竊發倘兵力不支爲盜所勝小則剽掠焚落大則攻屠城邑赤目黃巾可爲殷鑒此礦盜

哨聚召亂之可慮者一也兩河連遭大侵僅存子遺  
所稱殷實家無數十金之產一旦迫逼立爲殲頭凡  
供應器具工食皆令備辦原議礦砂官四民六今悉  
照原議礦頭僅得一分而又百計需索以至有自刎  
者有自縊者有棄家削髮而逃者歎窮則攬人窮則  
亂大可寒心此礦頭累極土崩之可慮者二也礦在  
重淵之下淺則須鑿二三十丈深則五六十丈方始  
見砂礦夫深入洞中不分日夜打掘鑿挖砂石虛浮  
忽然崩壓有破頭爛額者有粉骨碎身者有盡十餘

人而壓死者寡婦長號孤兒痛絕聞之皆酸鼻隕涕  
凡應斯役者強則思亂弱則思逃此礦夫殘害逃亡  
之可慮者三也礦夫攘奪勢必備兵以爲防守兵須  
有月糧有行糧原議月糧出自官府行糧出自礦頭  
今礦頭止得一分力必不能辦而兵士暴露山谷間  
旣無房以居又無糧以食萬一有不逞狂謀號呼揭  
竿而起夫礦盜亂有兵與敵礦兵亂誰與敵之兵與  
盜合撲滅爲難此礦兵糧缺呼譟之可慮者四也南  
陽一府奉旨開採者文家等洞河南一府奉旨開採



者嵩廬等縣止耳奈何日增月益今日開一洞不見砂明日復開一洞不見砂後日又開一洞奉旨者開不奉旨者亦開有砂者開無砂者亦開增礦洞必增礦頭增礦頭必增礦夫又增防礦之兵又增防兵之餉卽變嵩岳爲銀猶難取給此礦洞遍開浪費之可慮者五也礦砂須用煎硝煎硝須用搭配據各州縣報至有取神溝砂四十斤工錢一兩二錢燒銀二分者有取金溝砂五十斤工銀八錢燒銀六分者有取湯鍋砂五十斤工料銀一兩燒銀一分二釐者煎砂

既虧于是乃賣砂取價高買見無利掉臂而去其勢  
不得不強民以買之至鬻田產售妻妾賣子女捨命  
包賠者父子仳離室家傾業大非太平氣象此礦砂  
銀少逼買之神慮者六也汝南當積荒之後民皆散  
于四方詎車轍所至見閭閻蕭條生齒凋喪卽令有  
司散倉穀給籽種加意招徠尙懼不肯復業自開採  
後民之稍有家業者爲礦頭次者爲礦夫以故民皆  
棄耒鋤而事錐鑿方不勝役皆離親戚棄廬舍而逃  
故田野荒蕪者益甚差徭從何應役錢糧從何出辦

卽將有司官日加叅罰亦何益于事乎民爲國本豈容逼迫至此此農皆因開礦失業之可慮者七也開採原爲鼎建大工非爲奸徒囊橐計也不意仲春一到地方橫行無忌眇視魯坤等不聽約束帶棍徒張應先張蔗韓平鍾應文等數十人俱繫金帶張黃傘乘夫轎假造欽差員牌私置關防徧行開採上砂盡入私囊逼死張文禮等十餘命騷擾驛遞凌虐職官以至人心洶洶怨聲載道此奏官暴橫激變之可慮者八也夫礦兵之所取給礦頭之所包賠有司之所

贖補驛遞之所應付孰非 皇上之財乎礦頭以賠  
累死礦夫以傾壓死礦徒以爭鬪死貧民以逼買死  
孰非 皇上之民乎自開採以至今日已逾八月自  
初解以至今解不過四千向以根本重地 皇上舍  
三十萬之金以全活之而猶以爲不足今以大工重  
役 皇上爲四千兩之礦以困苦之而尚以爲有餘  
及今不爲停止恐禍起蕭牆變生肘腋他日雖傾府  
庫之藏竭天下之力亦無濟于存亡之數矣臣所以  
拊心泣血而哀鳴于 皇上之前也抑臣又有獻焉

孟子曰諸侯之寶三土地人民政事實珠玉者殃必及身夫以諸侯而尚不當寶珠玉況天子乎家四海臣中國而可以貨賄爲寶耶故鹿臺積而商郊墟私藏盈而漢社傾洛口充而隋祚絕瓊林滿而唐室衰其鎬累銖積晝筭夜筭求足帑藏而富府庫者曾不得其半通一綸之用適足爲奸雄盜賊之資藉耳伏願皇上鑒鹿臺瓊林之覆轍思財聚民散之明訓勅下戶部召回開採之臣將仲春等拿問則聖德光于日月皇圖鞏于泰山臣無任激切懸望之至

採礦利薄民困難堪懇恩停止以光聖治疏

馬鳴鑾

撫治鄖陽右僉都御史萬曆二十五年五月

臣竊惟開採之事以利言也上固欲其利國而下亦欲兼以利民此陛下意也卽仲春原奏亦謂可歲供數百萬金於內帑可急救貧民於塗炭豈不悅耳足聽哉今南陽所屬州縣但稱有礦去處掘挖無遺礦夫深入洞中爲土石所壓破腦折骨而斃者若干人矣煎砂必須搭配礦頭窘於無資多有典房賣產鬻子女以充質者矣煎銷旣虧工本不得已而賣砂

又不能卽售則令礦頭包納而無名之取且百出於  
是乎民愈不堪命矣更有鑿之累月杳無一砂空自  
賠錢縊死者相屬夫此民也非往歲大荒 陛下發  
帑銀三十萬以賑濟之予遺乎今若此是反陷之於  
塗炭而安在其能救之也藉令果有厚利如原奏之  
言尚當軫念勞民議罷今採取八閱月矣毋論監衛  
二臣蚤夜拮据盡地利以圖自效卽仲春等 陛下  
假之以督理巡視之權彼皆得發舒其能恐動郡邑  
快心雄行千載一時矣豈其賣狗懸羊躬自蹈之然

自初至今解進之數未滿五千則其利亦甚薄也百萬之云不令人掩口乎陛下富有四海何屑此數千金之入而小民賠費不下數萬其哀號之狀則甚可憐矣防守兵糧旣不得照原議取之於礦近據南陽府申詳該給銀八千餘兩分毫無所出辦各兵枵腹日久將不免脫巾之呼寧獨礦徒堪慮哉臣每訪諸縉紳詢之父老有識者皆曰是役也實無利於官歛怨於民祇是仲春輩二三黠者所得不貲耳陛下下開礦爲佐大工充內藏而顧使原奏官巧牟其利



乎去歲葉縣舞陽蝗蝻爲災民有菜色今裕州內鄉  
鎮平諸處異常冰雹二麥如掃朝不保夕之民彷徨  
思亂而採辦之苦剝削之害又從而驅迫之不逞之  
徒嘯聚日衆竊恐中原腹心之地將變爲戈矛戰鬪  
之場禍患非眇小也臣叨有地方之責明知事勢可  
虞若苟避嚴譴不爲君父直陳之則臣生平自矢之  
謂何伏望 陛下渙然發德音召回採礦之使以慰  
答民心以解消亂萌則歡聲洋溢於域中而 聖  
無煩宵旰之憂國家永享泰寧之福矣

假官抽稅辱國虐民乞賜拏究以甦畿內窮民

疏

傅好禮

太常寺少卿

萬曆二十六年十二月

臣聞民者邦之本而財者民之心怨之階也利民以收其心則邦本固剝民以叢其怨則邦本危人實旣撥枝葉自瘁其關係國家爲何如者而况剝民至極令不堪命如今近郊截稅大辱國體者請爲 皇上言之夫京南海子西紅門去都城僅一十八里又迤南四十里爲龐家庄店此固安永清霸州山東等處之通衢也凡米麥蔬果草炭雞鴨羊豕之類小民日

販易以輸於京師冀圖升合以爲生養之計從來任其自便無有收其稅者惟入右安宣武等門有門單過稅以佐公家之費然亦旣稅之矣本年三月內忽有成羣兒棍不知奉何明文豎張黃旗在龐家庄截稅不二三日內用鐵尺鐵棍打死本店不知名一人羣兒逃脫民稍安靜今十一月內又有一起虎棍在龐家庄店中一人假官執兵持棒從而擁護跟隨爲爪牙者百十餘人在西紅門一起中一人假官從而執兵持棒衆相擁護跟隨爲爪牙者百十餘人兩地

相去三十五里俱假充抽稅不論大車小車驢馱人  
肩或戴或負不論雜糧蔬菜薪炭雞鵝牛羊或携一  
菜負一斗粟以過者無不阻攔抽分與者放行不與  
者留住或剝去衣服以爲質當稍有不從竹板木棍  
一齊亂打強狠之狀無異劫奪昔稱祈利剝民秋毫  
無遺筭及商賈下及雞豚者亦不過是卽今蒲路盈  
途往過來續怨氣衝天詛聲震地無不舉首蹙額相  
對涕泣而曰聖明之世夫何使我至此極也况近畿  
地方連年饑饉民不聊生木皮草根藉以糊口強劫

竊盜無處無之且東事殷殷徵輸緊急富者已貧貧者濱死民心洶洶罔不思亂況可以此無名之稅非常之虐以驅之耶嗟嗟國家縱貧亦不應如是媒孽以求富貨縱可好亦不應如是頭會箕歛以求充實又況由一文以積十積十成百積百成千積千成萬而曰以此爲皇上充內帑臣言之不勝羞愧其辱國虐民孰甚于此耶又況所稅以萬計而國家止得其一餘俱歸于虎囊狼橐矣徒叢漫天之怨于國家基無窮之禍于宗社臣子何忍而不言耶爲此故敢

直陳于 皇上之前爲畿內之民請命伏乞勅下廠  
衛衙門將此等成羣毆棍拏送法司從重究處則畿  
民得生邦本固宗社寧矣

假官抽稅辱國虐民乞賜拏究以甦畿內窮民

疏

傳好禮

太常寺少卿  
萬曆二十六年十二月

該臣於本月初五日爲前事具題請旨

臣於臣寓齋

沐待命於茲四日未蒙發下

臣

竊疑之豈

臣

之言未

達於宸聰耶皇上嘉納忠言誰敢阻匿豈皇上

不加意窮民一任虎狼之吞噬耶皇上往年因天

時久旱步禱南郊本年遣使之黑龍潭求雨輒應其

爲畿內窮民之意甚殷殷也豈皇上以假官截稅

爲細事可置而弗問耶蓋官自一命而上皆奉欽依

疏鈔

礦稅

一五

各省設有權隔皆遵明旨今詐官截稅似非細事未  
可置而弗問也豈皇上以此革抽稅無大害於地  
方而未甚傷民心耶數年以來近畿地方水旱頻仍  
徵輸告急小民負粟揭木轉販都城計獲升合少延  
一日之生今龐家庄稅西紅門稅四十里之中而收  
稅者兩處民命尚能堪耶民不堪命而畿內震動四  
方之變作矣言之至此可爲寒心又豈皇上以此  
抽稅假官爲廣安廣和二店之遣使耶夫二店一設  
張家灣一設天津衛去龐家庄西紅門約二百里夫



國家所設鈔關如臨清揚州九江潁野等處必商賈經過本地始稅其貨未聞稅及二百里之外者也此輩爲詐旨奪民不問可知以此言之臣疏如救焚拯溺不可不速發以甦畿輔窮民之生也夫 皇上父母也畿民赤子也焉有赤子遭劫奪之苦而父母坐視隱忍而不之救耶臣意者臣之言未達於天聽也臣是以昧死願至御前面陳假官截稅暴橫兇惡之狀與窮民被劫倒懸之苦情上徹宸聰無不流涕伏候勅旨

邵邪悞國

陳利言以固根本疏

劉曰寧

司經局洗馬  
萬曆二十七年三月

臣儲員詞林有年迭退論思詞臣之職竊見近日礦稅兩事羣奸巧辭欺罔朝疏暮使發者絡繹有識寒心復睹百戶王官奸狀以爲國家之隱憂莫大于此其初總以獻利助工揣度上意陛下鑒一王官以深惟羣弁之奸永絕禍亂之本無如今日斯是用痛心雪涕齋沐獻言切以陛下英武蓋世洞見萬里之外獨于天下之所共憂廷臣之所屢爭以爲不可

者甘之如飴意 陛下必有疑于兩事真便利而莫  
之解其疑有六日增月長患且滋甚而其患有四夫  
陛下之所疑夫開礦者必以爲天下之美利民無與  
也又省加賦而詐騙貽累不聞焉小民多依山谷久  
爲宅墓而開採之使偏執宅墓以張密網貨行則免  
不行爲害暴骸伐屋行道心酸又陰籍富戶姓名投  
之頑砂限以賠償鬻妻賣子甚者自經而壓倒之禍  
及于壯丁怨咨之民急可爲盜此臣所欲爲 陛下  
釋疑者一也夫 陛下之所疑于抽稅者必以爲

國家之遺利昔尚脫漏今收之而實非也國家之立法詳矣船中之貨有貨稅所工部之摧差皆是也載貨之船有船稅戶部之摧差皆是也衙門基布道路相接計一賈人出多者三稅少者亦二稅非鳥無翼何地可逃此臣所欲爲陛下釋疑者二也夫陛下之所以專遣內臣者必以爲內臣忠直不好名可無欺也夫國家之大端有二曰禮義曰利害中官之識見及此者度不欲出獨一二愚暗之徒久在閑局意亦望一執事以明得意幸目前無事後且不

恒其何及于

國家以

臣

所聞大都市人所驅使也

卽奉

勅行地方掇拾唾餘業已不能不爲人欺能

不欺

陛下乎近日王朝李道之事已犯人怒足爲

明鑒彼特上畏

陛下之法恐阻將來之路不以明

告耳

臣

所欲爲

陛下釋疑者三也夫

陛下之所

以竝遣原差官民者必以爲習于地方之故無悞事

且曰某以此報卽以此責成可幸無捏奏而不知非

盡地方之人也不則其逋逃也自東征召募亡命集

京師稍窺

國家府藏之虛偏袒扼腕人人爭言結

者倡爲事端聚徒括金鎖刺通神依武弁而武弁受  
制禁中官而中官受欺此亦奸民之雄者且中官給  
事禁中法不外通四方官民遠在萬里何由識其姓  
名而兼其忠謹臣所欲爲陛下釋疑者四也夫

陛下之所以不信地方臣工者必曰是蒙蔽是沽名  
夫所謂蒙蔽者利歸于已而隱于上也而礦非有司  
之所敢開稅額非有司之所敢增此亦難欺矣卽利  
不歸上亦不在下乃其議論之執持羣奸之齟齬又  
自有說有司爲朝廷牧民而羣小譬則豺虎也牧

人之不狎豺虎有司之不狎羣奸亦萬不得已之計  
假令激變召亂卽不死于譖死于封疆矣固知有司  
之非沽名以救過也臣欲爲陛下釋疑者五也夫  
陛下之所以不信廷臣之諍而堅持于兩事必以爲  
無損有益也或者所損少而益大不知其先已有損  
後之益又不救損也何謂先損一官有一官之費  
勅使出而驛傳之費十倍衙門之費又十倍輿臺廩  
祿之費又十倍衆彪前驅市獐扇焰一使輒數百人  
則數百倍蓋無礦無稅而先有府庫之耗亦陛下

之財也且百人而分其利則進奉者特百分之一千人而分其利則進奉者又千分之一臣以是知其無益有損欲爲陛下釋疑者六也以此六疑實生四愚一曰京師之患夫京師腹心也腹心不能自養而資咽喉以灌輸恃腑臟以收納未有搯咽喉決腑臟能不病者京師人稠地瘠又苦寒凡絲麻米粟一切之費都仰給四方自權稅嚴而商賈絕則物價貴百萬嗷嗷無所托命饑饉水旱更復可虞陛下武足憑而愁嘆怨籲民易生心欲振無策欲制無



術又范陽涿鹿古稱盜藪密雲近在北邊天津密邇海上蘆溝一舍有若剝牀此不可不慮也二曰四方之患夫四方肢體也人有痒痾疾痛相救則安交病則危未有束左右手足能自支者乃今礦稅之使東漸西及蓋所在不堪則所在皆可疑設有一人誤扞文網之誅勢窮情極則一方騷動一方騷動則四方嚮應天其厚祚哉 國家幸而懲創而生民塗炭足爲寒心調度經營又當萬倍此不可不慮也三曰水陸並至之患大凡奸細之作多依山澤憑險阻恣出

沒諱曰古管然而今之兵水陸遍布矣東事稍解大  
兵四散萬一兵適與鹽稅會則兵張礦稅激而與兵  
會則怨民張長江密箐都爲寇資蟻聚蜂屯近在呼  
吸此又不可不慮也四曰官民交困之患夫民官之  
守而官民之命也官惟將朝廷之德意乃安民民  
惟恃有官之控訴則安其身近日郡守縣長吏中傷  
膚受俯首縲紲後來懲噎轉相效尤勢固不能有其  
民民失官如十失慈母無路可通闔室待盡其計畫  
無復所之竊恐亂系之益勢而朽索之難馭此又不

可不慮也抑古人有言制治于未亂保邦于未危此亦所當急圖之時矣竊見陛下勵精圖治凡忠邪之分不久自明羣口如簧卽蹈斧鑕已漸曲突之忠又臣少有狗馬病近溺血怔忡亦恐一言未效卒先朝露以上負國恩是以盡捐掇拾直究安危不避愚戇之誅願陛下少察釋一朝之疑圖社稷之計收諸道之使發廷臣之章寬吳寶秀等之獄開輔弼補牘之忠作臺諫折檻之氣其武弁之欺罔誤國者罪無赦則四民樂樂業萬國謳歌臣亦願有太平之頌矣

曠稅繁興人心惶駭懇乞聖斷亟停以保治安

疏

馬鳴鑾

撫治鄖陽右僉都御史  
萬曆二十七年四月

臣惟天下無可乘之釁則奸豪回慮而禍亂自消人  
主慎未然之防則治道益光而民生永賴頃歲宵人  
言利者藉口大工日新月異如湖廣荊州抽分原設  
工部主事一員征商之額定矣今錦衣衛千戶韋夢  
麒突有店稅之請陛下卽差內官陳奉領其事已  
而樂綱王官住各言馬稅則又置梁永於陝西委魯  
坤於鄧州夫荊襄南陽與陝之商洛漢中皆臣撫治

地也一時三遣使總爲利來旬日間遠近謹譁羣情  
洶洶自軍民問賈以至肩挑小販皆相視嗟吁人無  
固志此無他則條鞭之害林之也夫中州包礦之累  
撫臣業陳之矣臣可畧而勿言若商洛漢沔一帶自  
開採至今臣不聞某洞出砂煎銷金銀若干但聞某  
州縣坐派條鞭金銀若干勒限追解急於星火耳  
陛下前有旨不忍加派小民而今之條鞭乃更烈於  
加賦彼啖草根度命之遺黎何以堪焉茲爲店稅之  
說者豈必有馬可市有貨可居而中璫奉命大自氣

焰攘脅而從之者如蟻赴羶又豈肯念國家二百餘  
年仁覆之赤子臣度其必將竭澤而漁橫奪閭閻闔  
闔之所有紛然騷動卽雞犬不得寧焉是亦條鞭之  
續耳此小民之所以魂驚魄散而震恐失措也夫財  
者民之心也旣括其財必傷其心況輸內藏者十一  
而潤羣小之私橐者十九未嘗佐國用之急而民間  
已盡其脂膏計惟有轉乎溝壑已耳然楚故剽輕秦  
尤獷悍宛鄧間自昔多任俠奸人或未肯遽甘於死  
迫之不已必且奮鉏耰而與官兵爲敵有其呼之百

萬衆不難集也夫歛兆民之深怨損脣聖之鴻名啓  
奸豪煽亂之階成天下土崩之勢其究至於使忠臣  
義士竭智戮力而無以紓宵旰之憂當斯時也  
陛下雖盡取原奏諸人投諸鼎鑊亦何及乎  
臣草疏至此聲淚俱下伏望  
聖明垂神省覽建萬世太平之  
策將前項礦稅亟賜報罷則竝美堯舜增光祖宗社  
稷之福蒼生之幸矣  
臣愚不能將順上意徒進憂危  
之苦辭彼言利者必以爲全盛之朝焉用杞人之慮  
然區區狗馬心不忍不言又不願其言之有驗也

政亂民離目擊真切懇乞聖明承天念祖救之  
水火以自盡君道疏

李三才

巡撫淮揚都御史  
萬曆二十八年五月

竊自礦稅繁興萬民失業朝野囂然莫知爲計閣部  
九卿臺省百執事無不誦言之忠臣烈士孝子仁人  
亦無不極言之皇上莫之省也豈以或出於風聞  
而不足憑與抑以或過於激切而不能聽與臣今所  
言何能加於諸臣顧披肝瀝膽必欲一效於陛下  
者實以待之於目擊之真申之以和平之說不敢浮



亂憂語一味真誠爲萬民請命知 皇上仁孝神明  
當必有灑泣於臣之言者夫 皇上之位上天所托  
之位 皇上之天下 祖宗所授之天下也天以大  
位托之 皇上豈以崇高富貴獨厚一人蓋付以億  
萬生民之命使司牧之也故曰天子言代天子萬民  
也則凡寒者衣之饑者食之一民不得其所皆子民  
者之責也 祖宗以大統傳之 皇上亦豈以崇高  
富貴私其所親蓋授以億萬生民之命使安養之也  
故曰嗣君言繼 祖宗爲民主也則凡寒者衣之饑

者食之一民不得其所皆主民者之責也乃今則如  
何哉不惟不衣之且併其衣而奪之不惟不食之且  
併其食而奪之征權之使急於星火搜括之令密如  
牛毛今日某礦得銀若干明日又加增銀若干今日  
某處可稅銀若干明日又加稅銀若干今日某官阻  
撓礦稅差人拏解矣明日某官怠玩礦稅罷職爲民  
矣此下相爭惟利是聞遠邇震駭怨讟載道子萬民  
君四海者顧如是耶如臣境內抽稅者徐州則陳曾  
儀真則暨祿理鹽者揚州則魯保蘆政者沿江則邢

隆千里之區中使四布棊置星列如捕叛亡加以無  
賴亡命附翼於虎狼不逞奸徒託名於城社如含山  
之潘元等和州之陳所蘊等淮安之馬如壯等揚州  
之蔣季柔等瓜州之鄧奎等儀真之吳大川汪三等  
泰州之郭實等宿州之顧其禮戴環等或假雕印信  
而公行嚇詐或冒充名色而明肆搶奪陸續經臣批  
行該道有見問未結者有已問充軍者有致書內使  
求免提解者至如中書程守訓尤爲無忌假旨計財  
動以萬數破產傾家十室而九空屢有告發臣亦屢

批該道行查手口拮据日夜調劑僅僅得此然禍本  
不除竈薪不去左支右絀終何底止昨運同陶允明  
新自楚來爲道彼中內使沿途掘墳得財方止真有  
盜賊所不敢爲不恐爲者生者含冤死者被虐毒施  
人鬼莫敢誰何然此輩實不足責也夫麒麟之於虎  
狼鳳凰之於鴟鴞固並生於世也人參之於砒霜茯  
苓之於烏頭固並蓄於肆也今惟近鴟虎而遠麟鳳  
取砒烏而棄苓苓乃令之曰爾無殺人無害人也  
有是理哉故臣無責於此輩也夫民心之離叛臣今不

暇論社稷之安危

臣

今不敢論獨念

臣

皇上天托以

司牧之任而乃甘爲此培剋之舉

臣

祖宗傳以安養

之衆而顧使惟此流亡之禍清宮靜夜試一思之聖

心忍乎不忍乎安乎不安乎

臣

知其決不忍且安矣

且一人之心千萬人之心也

臣

皇上愛珠玉人亦愛

溫飽

臣

皇上憂萬世人亦戀妻孥奈何

臣

皇上欲黃

金高於北斗之樞而不使百姓有糠粃升斗之儲

皇上欲爲子孫千年萬年之計而不使百姓有一朝

一夕之計試觀往籍朝廷有如此政令天下有如此

景象而有不亂者哉及至於亂則珠玉之貴不啻糞  
土之賤數年之積不足一瞬之用悖人悖出失衆失  
國每誦斯言心寒魂散吁可畏也已夫 皇上所居  
之位非他乃 太祖高皇帝之所相傳也 太祖高  
皇帝非他乃 臣治內鳳陽之所自起也元政不綱黷  
貨無厭羣小擅命橫征暴求是以萬民不忍共託命  
於 太祖 太祖因而奮其一劔掃清穢濁受天大  
寶是以得揚而傳之 皇上夫胡元盛時幅員廣大  
士馬強壯無減於今日之天下而 太祖乃以布衣

取之如摧枯拉朽焉何哉則仁與不仁之驗也仁者散財以得民不仁者亡身以殖貨先儒之言豈欺我哉詩云殷鑒不遠在夏后之世此善鏡者也且皇  
上代天以子萬民繼祖以保宗社一人之身不能獨治一人之力不能獨運於是設官分理凡以爲民所謂巡撫者安撫此一方民也所謂巡按者按察此一方民恐有害之者也所謂知府知州知縣者知此一府一州一縣之民之事不令之失所也今采抽踏勘俱會無按少有異同動蒙切責起解徵收任委各司

駕言阻撓便被逮繫是上自 皇上下至撫按百司  
無非為礦稅計也故謂臣等為巡擾可也巡害可也  
知稅知礦知鹽可也豈上天所以託 皇上之意哉  
豈 祖宗所以授 皇上之意哉亦豈 皇上所以  
設官命名之意哉嗟嗟當今時政之闕者亦多矣郊  
廟之不親也朝講之久廢也密勿輔臣屢推而不用  
臺省各官既選而不補建言得罪者禁錮終身無辜  
被逮者幽滯囹圄臣皆不及而獨汲汲以礦稅為請  
何哉曰此病根也夫人之一心理欲不竝立公私不



同道此重彼輕勢固然也 皇上旣溺志於貨利矣  
故目之所見身之所接晝之所思夜之所夢無非金  
寶珠玉者所謂逐鹿不見泰山也卽有睿哲天真時  
一發見而欲海茫茫隨而撲汨之矣何能及於政事  
哉故古之抵璧投珠不遺不靡豈獨非人情耶誠懼  
此患耳伏望 皇上超然遠覽廓然虛受仰思上天  
所以付托之盛俯念列聖所以傳授之遠察我國家  
之所以興廢彼胡元之所以亡痛赤子之傷殘憫海  
內之鼎沸亟下明詔罷天下礦稅其一應內使盡數

撤回明示中外與天下更始其掘墓殺人事有顯迹  
者仍嚴勅法司明正典刑傳首四方俾深山窮谷僻  
鄉下邑皆曉然知我皇上敬天法祖惠養元元一  
應虐政俱屬此輩所爲則一私不存萬理明淨將見  
郊廟必不可不親朝講必不可不復輔臣必不可不  
重臺省必不可不信建言諸臣必不可不用無辜被  
逮必不可不釋大典自將次第舉之矣由此而  
紀之史冊傳之萬世必大書曰萬曆二十八年 皇  
帝用都御史李三才之言罷天下礦稅則至德深仁

鴻名徽號行與天壤共永矣豈不休哉豈不烈哉而

臣以草茅疎賤亦得附名不朽矣若置臣言而不聽

棄臣計而不用徒令禽視鳥息坐待亂亡被豸懷金

誇耀人士則臣惟有愧而死耳夫貞臣愛君惟以效

忠烈士殉節匪爲圖報況臣束髮立朝渥受國恩已

逐而旋收旣廢而復用者哉則臣之竭力效忠感知

圖報尤萬萬不能已者惟皇上留神照察臣愚不

勝踴躍候命之至

萬民塗炭已極乞賜省覽以救天下疏

李三才

巡撫淮揚都御史  
萬曆二十八年六月

頃

臣

以礦稅殃民如沸如羹竭忠極慮具疏上請蓋

卽

臣

境內之茹苦而知天下之荼毒卽

臣

境內之流

亡而知天下之反側不敢無稽不敢過激直據見聞

明開禍福自以

皇上仁孝明決本於天性得

臣

此

疏將必慨然太息潛焉出涕曰何礦稅之流毒四方

也如此何內使之暴虐吾民也如此又何奸人之乘

機詐害也如此字字如獲荆山之璧言言如得夜光

之珠沛下明詔悉罷各役不俟崇朝始於兩畿達於四海矣今既月餘矣翹首跂足未之或聞豈左右有所壅蔽耶 皇上神武不測近習懾畏誰敢寢格自取罪戾豈膚覽有所未及耶 皇上聰明天縱一目十行又何至不遑致此耽閣數日以來遠邇傳聞尤有章奏但係積稅卽東高閣一切不省 臣且信且疑且警且駭信斯言也是治亂存亡之機也 臣不願皇上有是也夫天下之患莫大於忌諱而不敢言尤莫大於固拒而不受言忌 臣不敢言罪在下猶可說

也固拒不受言責在上不可說也臣之前疏非泛常  
之疏也國脉民命之所關天心祖德之所在也書曰  
天視自我民視天聽自我民聽蓋言民之視聽卽天  
之視聽也夫民慮之於心而宣之於口不可拒也故  
臣反覆譬喻幾數百言實集億萬人之心爲一心合  
億萬人之口爲一口剖肝瀝腸痛哭流涕是卽上帝  
明神遣臣以告皇上也是卽二祖列宗敎臣以告  
皇上也而何皇上之未卽允行也且皇上毋以  
民爲弱也皇上毋謂民可虐也天佑下民作之君

君國民之主也得乎丘民而爲天子則民又君之主也故省刑薄斂視之如傷愛之如子人主能爲百姓之主然後奔走禦侮尊爲元后戴爲父母百姓亦長爲人主之主若休戚不關威力是憑劫奪之已耳斬刈之已耳孤人之子寡人之妻折人之屋掘人之墓奸貪殘賊若近日秦楚等處所奏卽在敵國讎人猶所不忍況吾衽席之赤子無辜之齊民哉窮困無聊呼天叩地奸雄乘機遂生窺竊如徐州趙古元之類是矣天有土有衆則人皆知有朝廷衆畔土崩則人

皆起爲敵國一旦風馳塵驚四方雲擾介馬之身塊  
然獨處卽有黃金過斗明珠填海誰爲守之而又誰  
爲運之祇以藉寇兵而資盜糧耳及至於此卽家散  
萬金人分雙壁亦何救於敗哉夫天下非小也草澤  
之人至廣且衆也其間欲爲古元之所爲者何限獨  
以朝廷處置得宜綱紀有道欲乘之而無釁欲挑之  
而無端故俛首頽心從教從令耳今乃驅之使亂逼  
之令反一人背去百羣遂奔臣懼百姓之不肯爲朝  
廷主也是故古之人君譬之爲六馬喻之爲邦本非



直以其同胞一體不忍殘虐實以此曹至弱至強至微至危亦不敢殘虐之耳試觀叔季之世所以亡人家國者豈在弱敵外患哉民心一去天命隨之歷代相傳之業斬焉絕矣漢唐宋而下可歷而數也吁可畏哉可畏哉語曰禍不好不能爲禍今其樂禍也已夫臣之心亦苦矣臣之積慮非一日矣有謂臣職已盡無復有言者臣以爲或屬儀文制度之差或係用人行政之謬所損無幾一言可已此則何等利害何等喫緊一日不止宗社一日不安若亦以一言塞責

名之曰誤國是謂不忠臣不敢也有謂可遂乞身不  
必再言者臣以爲或有不合於時或有不信於上或  
有繫念於子舍或有牽情於內顧可以杜門托疾一  
辭而去臣則二親已塋義當致身羣工見信於朝明  
主委任甚重當此危急之日禍亂之興乃遂苟且避  
難全軀自保名曰棄國亦謂不忠臣不忍也有謂氣  
數實然不當力爭者臣以爲夏暑冬寒天之氣數也  
而衣葛衣裘乃以人力而回天山高水深地之氣數  
也而用馬用舟乃以人力而轉地卽令小民實當氣

數之厄

皇上猶當勞心焦思百計拯救况此氣數

在我自爲之而自止之俾各安家樂業只一轉移之

間耳安得歸罪歲凶而漠然不之念耶有謂迹類好

名不可再言者

臣

以爲或無病而呻吟或危明而憂

治或虛誕而不情或悻直而太戇有意求名故曰好

名今則萬民實在倒懸宗社實在壘卵日夜咨嗟聲

淚俱盡惟知有國何知有身况曰身外之名乎倘

皇上嘉納

臣

言一赦天下則

皇上得堯舜之王之

名

亦得堯舜之臣之名亦非

臣

之所惡也夫都御

史之位不爲卑矣都御史之祿不爲薄矣乃從令則  
富貴長保不從則貧賤立至顧臣毫無繫戀棄之不  
管敝蹤焉豈臣好惡之性與人殊哉所欲有甚於身  
榮所惡有甚於身辱故舍彼取此掉頭不顧耳 皇  
上卽此亦可以一思矣嗟嗟臣之口舌敝矣心膽裂  
矣無復說矣倘 皇上猶謂臣言不實臣心有他乞  
先斬臣頭懸之正陽門外而後親臨朝宁大集勲戚  
文武大小百官一一面詢果否萬民有水火之苦是  
不臣宗社有危亡之憂各處地方曾否有殺人掘墓之

事責兒鬻女之慘大奮乾綱速下

臣

疏盡除前令其

一應假旨作威結黨煽虐嚴行各處撫按查勘明實

如律究罪傳首天下明示中外于以報匹夫匹婦之

讐予以洩孝子慈孫之憤

皇天后土二祖列宗實

聞

臣

此言是

臣

草茅之微遂能挽國家無疆之祚鴻

毛之軀乃能救百萬生靈之命雖死之日猶生之年

也豈不幸哉豈不幸哉若

皇上仍不加察照前留

中亦望察

臣

無當速賜罷歸別選才賢以補

臣

職

之願也然非

臣

之所得已也

臣

不勝泣血椎心

待命

之至

慶典在即懇乞寬逮繫併停礦稅疏

溫·純

都察院左都御史  
萬曆二十八年八月

臣等竊念國家內設三法司外設撫按及按察司多官以刑罰關係民命一不中則民無所措手足故

祖宗朝重之未有中使之言輕逮官民亦未有以權採之故輕遣中使令其威挾撫按有司者又未有任中使之叅隨棍徒竊弄威權以漁獵小民者今漁獵日益甚而逮繫日益嚴蓋諸棍徒爲中使謀非多進以求皇上喜則有不奉命之禍而且無利欲禍免

而得利卽移禍于民不恤又非阻撓之設激 皇上  
恣則權不重而無大利欲權重而大得利則卽併禍  
官民亦不恤今 皇上果喜果怒而利大半歸諸中  
使棍役矣不然劉有源之萬六千程守訓之數十萬  
從何自來而獨一劉有源一程守訓已耶夫 皇上  
之喜怒 皇上之威福也名雖竊於中使實則落於  
棍役內何有于法司外何有于撫按卽撫按且數爲  
齟齬不安于位而守令佐幕舉人逮矣生員逮至二  
三十名矣何論軍民或棄之江或毒以刑或掘其塚

或折其臂或撈其乳或坐視羣棍奸戲者不可勝數  
此何法也欲何爲也無非用財貨也財貨又大半入  
中使棍役也近棍徒之外又爭請兵或徑招兵陳奉  
以千計高淮陳增馬堂以百計合各省不下萬餘餉  
將安出倘未激變何以兵爲旣激變矣當罪激變者  
以其得已而不已也當寬爲變者以其不得已而不  
得已也則民服而變自消若但深求其不得已者寬  
縱其得已者是激之者不但中使棍徒必待變成然  
後已若非大變亦不已是速之使變也况所招之兵



類上命無藉喜亂偷生始難于養終難于御始令之  
成民終將以自戕至于自戕而其究豈臣子所可忍  
言蓋中使之始而得利也亦喜今而知有禍也則懼  
故不得不爲招兵聚黨騎虎不下之計然虎豈可終  
不下而可一面獵其一面防禍耶亦愚之愚矣方今  
邊塞有脫巾之兆司農無應發之錢誰不驚而  
使閭閻重足蹙額之地假以狐假虎威之勢縱其魚  
肉屠戮之慘恐瓊林大盈之時亦未至此我皇上  
一聞此等景象宜不待臣等之詞之卑然而天恩下

高豈謂東倭西播不難平安何內地之足虞臣等竊聞有國家者非無眚之患無令名之難以今所聞閭閻業已盡如陷荆楚業已盡在水火縱其民甘心萬萬無虞然令素所戴我如父母者一旦爲魚肉爲灰燼不廣戾氣而傷和氣耶且今後視我皇上爲何如主臣等爲何如臣臣等今見南北中外諸臣及四夷君長長鱗鱗下欲以祝延聖壽竊以爲天人相感以心不以文若第襲嵩呼舞蹈之儀而不以感召和氣祈天永命之道上陳則亦文耳故臣等伏乞

皇上開霽天顏檢查

臣

等屢疏俯賜電覽將近逮知

府蔡如川推官華鈺知縣韋國賢王正志經歷車任

重巡檢陳資鄉軍吳應鴻舉人勞養魁生員張聚奎

沈希孟等在內付臣等法司在外行撫按審奏明實

奏請定奪其礦稅各使及叅隨各役盡行收回橫惡

如程守訓先正刑章民有不舉首鼓腹以頌皇上

如堯舜禹湯文武者臣不信也而天心可格上壽可

臻愈于靡文祝禱萬萬矣况爲堯舜禹湯文武也逸

而臻上壽爲瓊林大盈也勞而多隱禍昔之搗竿草

澤以爲人驅民爲人乘亂者非內地之民以爲無可  
虞者耶而國勢因之矣故曰可畏惟民又曰民惟邦  
本本固邦寧非無謂也臣等又聞壽耆受也受天之  
佑也猶必皇上以天下臣民爲心可以受天之佑  
而後天之心亦爲天下臣民而佑皇上以壽耳惟  
皇上垂聽臣等不勝延頸懇祈之至

特禁重征并懲欺罔以安西陲疏

王德完

工科都給事中  
萬曆二十八年八月

待罪該科接得原任遼東把總韓應龍本夫兼管督率則不踏干騷擾之害會同撫按則不徇干奸惡之言查勘明實則不惑于朦朧之見奏請定奪則不耽于憊壬之口綸音嚴重睿慮周詳臣之愚昧豈宜置象第寸心忠愛國有難以容悅從諛者臣惟西川三大苦自臣足至闕廷已膽裂聞闔矣蓋楊酋煽

蜀境騷然城邑凋殘人民屠戮者雄兵數十萬衆

蹂躪于渝州運糧數十萬鍾轉輸于播地督夫徵價  
剝肉鬻膏闔省兢危三省輒輒逆酋殲滅方藉此安  
枕息肩湯火脫上胡又爲日股月消如大病疴羸奚  
堪加之捶楚譬之裂焚曷熾胡然助以薪燎豈四川  
之妖星未滅而厄運未除耶既有幸而勦一楊應龍  
又何辜而遭一韓應龍數年採木十室九空赤子委  
于溝渠白骨暴于林莽且大木不蓄于八府內地而  
巨材偏產于苗穴夷巢舟車之所不至負販之所不  
通故有數百年之枕枯焉計山木一株直十餘金而

拽運輒至七八百人耽延輒至八九閱月盤費轉至  
一二千兩上至摩青天之下闕黃泉豈惟糜不貲之  
財抑且殞多人之命夫懸岩矗嶺以達河次由全楚  
三吳以至漕河灣務頭運竣事二運成功今之虹臥  
京廠者非西川大木之進上者耶方今二運甫以指  
据受賞三運姑以順旅停徵待其瘡痍吹起呻吟俱  
悉然後放于來之義勤王事之終何自應龍之逢迎  
自濟也至于小木變價大是異聞蓋重慶等府瘠土  
荒瘠力耕火種遍觀山頂盡赤豈能蓊鬱成青間有

一 小林則村落儲峙以備晨夕爨炊士民護蓄以  
培墳墓風水各有畛域何得侵害若土司巢穴之小  
木續紛豈曰無有然深山窮谷瘴癘烟嵐誰其買之  
而誰其用之夫在蜀無木可變在朝有命必遵則治  
門以包木猶之逐尸以包砂也是材數卽爲禍數而  
林菁皆爲罟穽矣豈治世所宜有仁人所宜忍蜀川  
之鹽惟產于井其口僅如一甕卽其深計數十丈餘  
非若池鹽海鹽之生息而無窮也始之錘鑿工費爲  
甚難而繼之淡涸塌塌爲甚易通額未肯蠲豁新增



又與追呼而鹽引總轄于藩司鹽課率歸于內帑未  
有漏稅者每聞奏中巡鹽御史私鹽有禁多係郡邑  
措處以庀贖緩若有餘課增加則鹽商裹足而去宋  
臣蘇軾三月聞詔之詩將作矣山中種茶以易布粟  
其課之不可多得猶之鹽也餘茶之不可再榷猶之  
榷鹽也今羣小之惑感聖聽者一則曰累巨萬一  
則曰約於銀上萬餘兩猶如捕風捉影畫餅療饑每  
既邇時奸宄欺妄成習其在戶曹者姑無論論其在  
工者如百戶夏榮奏寶坻魚葦課稅可得四萬兩而

順天巡撫李願查勘揭稱除額課外亦可起科四萬  
有奇百戶王心澤奏浙直侵欠歲收段絹錢糧可百  
餘萬而鳳陽巡撫李三才查勘揭稱揚州一府竝無  
羨餘亦無色灶丹徒縣民王三極奏李繼常等隱占  
洲田可二十萬餘兩而南京吏部左侍郎李廷機查  
勘揭稱酌係架捏以冀占萬畝之洲田希乞千金之  
逋課其虛誑錮蔽類如此夫四川之疲困甚矣卽三  
萬之額猶不足以供涇愚疾首痛心欲溥皇恩以  
蠲恤于額之內乃應龍提唇鼓舌欲張密網以漁獵

于額之外何其幸災樂禍欺天罔人一至此極乎夫  
此輩惟顧目前不顧日後之有無虛實惟計囊橐不  
計國家之理亂安危若取而輕信之則不但爲黎民  
之寇讎饑寒無所逃命且爲中官之桎梏俯仰莫得  
伸眉其荼毒西川胡可言盡臣聞之漢詔曰有功不  
賞有罪不懲雖唐虞不能化天下近查原奏官夏榮  
作威生事高時臣誤聽妄言兩人奉綸音姑着回衛  
不爲懲創既往何以儆戒將來則韓應龍怕惡不悛  
益以無所忌憚也伏惟皇上震發雷霆亟逮韓應

龍明正典刑以爲欺君虐民之炯戒將加採四川塩  
余多木收回新令悉賜蠲停則德澤布而殘喘甦奸  
諛屏而禍胎戢矣西陲幸甚臣愚幸甚

稅監違旨剝民乞加誅責以安反側疏

馮應京

湖廣僉事

萬曆二十九年二月

臣奉勅湖廣分巡以撫安民人平靜地方爲職

臣

于二十八年三月內到任目擊內監陳奉萬狀慘虐逮官司士民無數黜陟生死之權一由掌中玩弄楚省喪亡之形已迫而勢不復待也辟之于火燎于鬚眉而欲寬請之益不焚矣幸皇上之少留意焉夫陳奉之所以罔主上者動稱征稅而所恃以挾官司士民者動稱奉旨似也不思主上有征稅之

旨所當奉亦有不擾小民以安地方之旨不可違  
今奉之違旨極矣其毒小民以亂地方臣不能悉  
數矣臣武漢黃三府分任也故得言三府之事又到  
任未久故得言近日之事二十八年五月內江西稅  
監陳奉隔省重征商船惟苦奉聖旨這稅課有旨  
不許重征疊收湖廣內官陳奉如何重收至江西小  
池口姑且免究今後各處如有聽信撥置違犯的一  
併重治不饒欽此乃陳奉藐旨抗違不改仍于本  
年九月初一日牌委黃州衛哨官杜修曰除差百戶

主體仁縣丞沈繼韶前來征收仰本官督同原役速  
赴清江鎮征收稅課如再遲悞定行提究清江鎮卽  
小池口也杜修原是私設巡攔李三漢等三十名科  
派公堂司房等銀二百餘兩與撫按批仰杜修仍前  
管哨不聽陳奉得重征銀兩不可勝記收入私囊不  
行解官進而又分外索有司包稅此其違 旨一也  
武漢黃所屬州縣正例礦稅銀兩業十九完矣更于  
額外指稱開礦嚇廣城韓知縣銀七千兩黃梅縣庫  
銀一千五百兩叅隨項文科趙大漢等共得銀三百

兩羅田縣庫銀一千兩廣濟縣庫銀一千七百兩黃  
安縣銀一千三百兩大冶縣銀七百兩曾王簿銀三  
百兩蘄水縣二千兩畏衆怒而假以五百兩出首具  
經被害熊夢松柯大任饒明道等告發卷案可查收  
入私囊不行解進仍于二十八年十一月初五日  
妄奏曰黃州府未完稅銀四千九百五十七兩黃  
安縣未完礦銀九百六十兩蘄金十二兩蘄水縣未  
完礦銀七百八十兩大冶縣未完礦銀四百八十兩  
夫不言其私騙之多而止奏其欠之少則額外所



得俸何文銷朕臆說 上只慮重征凡其違 旨二  
也科索之外復行挾騙旨開基金挾大治縣鄉官胡  
應辰銀一十三兩富民袁杓銀八百兩徐養正等  
各五百兩參隨趙大漢得銀四百兩蘄州富民吳國  
倫之子吳其良等銀三千兩陳奉兄陳萬里姪陳仲  
山各得銀五百兩又挾麻城縣耿天受賣田銀四千  
兩收入私囊不行解 進此其違 旨三也差李斷  
事恐嚇當舖店吳大成鮑日昌等十八家得銀一  
萬二千兩錢局立爐兩一百二十座各每一座共派

銀一千兩委兄陳兄打造異樣銀器不記其數於總  
府衙門造殿五間左右住樓一重小房百間貯收玩  
好不行解 進此其違 旨四也此猶歛財之事也  
若近日砍屍之罪則有不忍言者掘大治等縣民孟  
華張斐言宋朴華楚賢等祖父塚四十七處掘無金  
喝衆將刀砍細骨屍拋入江內一時幼弱懷祖而悲  
耆老徹天而哭過道士復掘挖古塚追獲養身銳一  
个木鉢盂一个金舉杖一根玉碗一个金絲燈籠一  
對金鏡架并金盆珍寶等項收入私囊不知解 進

否此其違 旨五也此猶砍屍之事也若近日殺人  
之罪則有不忍言者委白丁劉二借以查稅爲名日  
日索賄蕭繼山等饕恣無忌于十月二十七日劉二  
欲奸武昌民婦吳氏與徐堂阻之夥棍黃金等三十  
餘人活將徐堂打死是夜候同伴秦大賢等押騶銀  
九槓送陳奉買囑庇護收入私囊不行解 進此其  
違 旨六也又因索私銀不遂船戶沈金以五十打  
死馬戶邢思盤兩刀殺死姚奇以投水死李老兒賣  
三兒丁官兒以夾打死陳朗婦胡氏懷胎七月因長

隨人等強奸不從携七歲女投水死又過黃州河下  
手斫蘄州赴考生員田九圍將刀背砍一百黃安縣  
童生陳遂打一百黃岡縣童生殺三人蘄水縣童生  
五人砍去首足丟入江中府縣官哀救不得此其違  
旨七也此猶殺人之事也若近日欺國王之罪則  
有不忍言者 楚國親藩所居年正初七日陳率與  
三司臣會於省城大觀樓率盜兵五百餘人持大  
刀數十把攔截街衢耀武不許人行銃砲連天旌旗  
蔽日中間騎衛馬放火箭斃傷人民陳和尚等激變

居民大費院司約束然後定此其違 旨八也此猶

欺 國主之事也若近日叛 皇上之罪則有不忍

言者奉與沈士問陳登雲等同飲自言我如今之像

個楚王事就到大富貴何難及是招兵數千日有增

益官員人等有不呼爲千歲者輒怒責之陳登雲知

其潛蓄異謀見機逃去向省中人言之洶洶此其罪

又不止違 旨九也夫三府嚇騙之銀如此則十七

府州所得不知其幾百萬三府之殺人如此則十七

府州所殺人不知其幾千萬且 臣查 大明律一款

凡大臣專擅選官者斬奉乃一闔官也敢招亡納叛  
有獻銀三五百兩者卽擅受以官爲守備把總千百  
戶之名或置中軍或委巡視甚至令其查盤隨帶旗  
徒各不下百人擅遣傳牌乘輜馳驛毋分郡邑積羨  
有無其被羣奸詎嚇不至四千兩不已處處遭殃人  
人慘禍各該有司莫敢誰何徒惟垂首喪氣而已此  
其心尙知有 皇上哉它如差使應付日給不下數  
十布滿全楚驛遞之擾物力之疲逃亡日見接踵此  
臣近日代理驛傳之所目擊者特奉之餘事耳凡此

楚人無不側目重足恨不旦夕食其內而寢其皮也  
皇上試觀湯沐之鄉光景如此莫不惻然動念乎切  
照楚中形勝天下之阻也吮扼塞梁腕引吳越誠

皇上所不可一夕無者顧其地半據蠻苗多闖賊寇  
且瑣尾仇離之人甚衆况丁皮林稀罕大牙相爭加  
以奉惡不悛人心厭亂勢必有赤子弄兵青衫爲盜  
者、皇上之令甲不能施而臣等朝露之命不相保  
天下之事其不寒心者幾矣伏望 皇上洞察愚忱  
虛中檢勘亟拿陳奉追其處處所騙之賊誅其歷歷

違 旨之罪更換忠慎內臣征收楚稅湖廣十五府  
十六州一百七縣焚香祝釐民人撫安地方平靖卽  
漿瓠且組縛焉而 宗祖危亡之形可伏于教矣



人情屢變怨已在明聖意挽回圖當及早疏

九卿公疏

萬曆三十年四月

照得積稅一節

臣

等補牘徒勤不能將順已行之德

意伏而思之

皇上或以

臣

等之言未足憑人情之

變未必甚也書曰怨豈在明不見是圖矧最明可見

如今日者而漫不爲之圖乎姑無論其小者卽關中

委官挫辱縣官而致之死縣官旣可殺而何人不可

殺何事不可爲又聞各處中使養兵自衛環甲升堂

旣非疆場禦侮之官而千百成羣草菅民命驕恣相

成漸不可制臣等竊見變之自內作也又如滇南以  
火燔委官之居遠左以衆矐委官之目若輩自作之  
孽誠不足惜其如法紀之當惜何曩三楚之脫歸幸  
而漏網今兩廣之結搆蔓且難圖江淮一帶羣小紛  
紛東西九邊饑荒藉藉臣等竊見變之自外作也夫  
國家令甲殺人有禁聚衆有禁私藏甲兵有禁不幸  
而有一於此尚以爲變乃今無處不殺人無地不聚  
衆無人不操甲兵不逞之徒寵之使爲盜賊縱之使  
爲虎狼其變爲何如者在中使銜恨百姓不殺之不

休在百姓結恨委官不報之不止窮獸則獲騎虎難  
下中外之釁愈激愈成。祖宗之法日輕日玩。皇  
上試一思之曾有景象如此而能晏然無事者乎數  
年以前民怨民恨猶可言也。目前之事民變民亂不  
可言也。皇上果以撫按之疏爲無據耶彼中使者  
皆皇上信任之人也往以災荒爲托辭今且自言  
災荒矣往以激變爲張皇今且自言激變矣往以礦  
稅爲民情樂從今且自言難行矣儻令民情時勢稍  
有未極人又誰肯瑣瑣日形于疏以取厭惡哉。臣等

備位大僚義關休戚既不能批鱗折檻立挽于平時又不能捍患禦災潜消于今日負慚負罪覲顏多矣安忍復自緘默坐俟其成伏乞皇上念理亂之故關係非輕安危之機在茲一舉早霈前旨以便遑行則已形之亂猶可亟弭有道之長庶乎永保矣

臣等

犬馬一念不勝慙慙

東南反側可虞中原民變踵至乞罷權採以收  
人心以遏亂畧疏

九卿公疏

萬曆三十年五月

自礦稅再行以來臣蓋數數言之而槩未奉俞旨也  
今已無可措辭矣數日前忽接應天巡撫曹時聘暨  
河南礦稅太監胡濱疏揭觀之杞憂愈甚竊恤轉深  
終不忍持位固寵束手坐觀釀成大變而負 皇上  
特達之知請再申一言以俟宸斷可乎夫蘇松財賦  
之藪京師百萬咸取給焉中外水陸之衝萬方職貢

咸假道焉此而安則天下安此而危則天下危所稱最喫緊最要會者也其不容一夫作難于其間也明甚乃蘇松則以機戶管文等搶掠報矣中州則以毛兵李舉等倡亂報矣夫管文等何如人也不過一瑣瑣傭徒耳千百成羣閔然哨聚指稱權稅匿帖揚言至有替天行道可恨可殺等語賴周知府面許請停劉稅監出示報罷方爲解散而怒氣猶勃勃未已也則稅之爲也故從此實停則可有如不然勢且復聚諭之不信勸之不從臣不知其何方以處之也李舉

等又何如人也不過一碌碌成卒耳數千糾聚盤據  
一隅恣意要挾數日不解至有先取東京救度生民  
等語賴地方官多方勸諭胡大監平氣息威方爾寂  
然而虎視猶耽耽未已也則殲之爲也故從此罷殲  
則可有如因仍行且復逞招之不來麾之不去臣不  
知其何術以待之也據撫臣曹時聘之疏自謂首惡  
已擒地方稍靜而皇上于胡濱之疏亦勅以嚴究  
首惡脇從罔治似可無虞矣第首惡云者無故而發  
大難之端之爲也協從云者智盡能索無奈而勉從

之之謂也今人人思脫湯火誰爲首惡在在圖解倒  
懸誰爲協從所謂雖或殺之必且繼之者也 皇上  
將盡人而法之乎則勢必有所不能抑盡人而寬之  
乎則法又有所不可蓋至於力窮于施而法窮於馭  
則 皇上約束整齊之具亦太顛倒錯亂不可收拾  
矣矧數年以來 皇上以礦稅之故赫怒諸臣曾逮  
及方面矣逮及守令矣逮及士民矣幽囚囹圄三木  
囊頭泣夜雨而號西風困縲綬而斃箠楚卽雷霆之  
摧折不慘於此也泰山之覆壓不烈於此也固宜鞠



躬屏氣頰首帖耳任吾糜爛魚肉而莫敢誰何可也  
乃今日圍燒其官明日戕殺其役清源之燼猶然而  
湖湘之流已赤安民之骨未灰而東瀟之屍已碎機  
戶之譟正急而毛兵之焰復張撫按告變之章接踵  
道路而廟堂安戢之旨遍揭閭閻如此則皇上之  
法令與四海之奉行大較居然可覩也豈其民之敢  
于無上若此乎勢窮理極爲有所以迫之焉耳語云  
鹿死不擇音民之于上德則其人不德則其鹿也  
今之礦稅無乃鹿視其民而使之不暇擇乎故當此

之時不一改弦易轍而猶以法制禁令從事是沸而益之以薪也醉而強之以酒也庀夫羸子命旦夕而更投之以毒藥也此必不可幾之倖也盍亦撤回中使明罷礦稅拔本塞源嘉與天下更始將膏肓之病一朝頓除而水火之民一夕衽席離者合變者定不費區處不煩告諭不崇朝而措天下于泰山四維之安回視治而愈焚解而愈糾者相去不天淵哉不然狂敝襲訛日復一日挑釁召禍長此安窮豈惟吳會又豈惟中州蓋無之而非是矣此外更有臣之所不

敢言與所不忍言者在也伏惟皇上念重地不可

屑越改圖不容再緩省覽臣疏慨賜施行收已去之

人心安未靖之土宇勿謂臣言爲瀆使之不幸而中

也職掌所關時不容已臣愚無任激切悚息之至

民變踵至萬分可虞聖政改圖時刻難緩疏

九卿公疏

萬曆三十年五月

竊惟國家之事治亂兩端世之治也尚憂盛危明以防其亂未有既至於亂而恬不爲之所者蓋亂之形易見卽常人能辨之亂之機當圖卽世主能知之皇上英明出世睿斷天成四海情隱洞悉無餘將謂今之天下爲亂乎爲非亂乎清源楚澤之變覆轍之在前者言之寒心近如關中之慘徐淮之攘遼左之激滇廣之釁諸臣疏之已詳未幾而蘓州之機戶以

變告矣未幾而中土之毛與以變告矣未幾而兩淮之豪商以變告矣蘇松四郡民無常產止逐刀錐而奪其子母之利以致糊口無資揭竿有自玄妙觀之約帖昭昭以稅爲據而內使疏中稱與稅事無干出掩耳盜鈴之智飾割肉充腹之謀以東南財賦之區而張數罟以壞繭絲竊慮所得不如所失者之多也中州毛兵習性輕悍原非良民國家常示羈縻每藉調遣譬之養虎者不以全物與之思其裂之之怒也而明以礦砂之利誘之成貪工食之故激之成變卽

內使疏中也言起事之由始於停礦復行之日虎兇  
出柙利器示人萬興嘯聚山林爲梗中原狼子野心  
何所不至異日者將何方以驅之也兩淮鹽商身家  
俱重安肯甘蹈法網公爲亂端緣連年軍實增及錙  
銖以致見行之單引壅矣而田應璧又創之以超卑  
每歲之徵納艱矣而魯登科又捍之以資助見在者  
旣已椎髓聞風者又復螫心進不能逐什一於奇贏  
退不能免追呼於閭閻脂膏盡剝閉戶凋殘無論揭  
竿鼓變如近事可虞即使散商業而歸四方國計將

安出也。皇上得無以隨卽解散爲幸歟。不知所以解散者由撫按多方勸諭示。皇上不忍加派之仁傳。皇上不日停止之意故。百姓姑聽而姑解之也。今礦稅之害日甚於加派而停罷之言。又等於虛文。再有他變人又誰肯信撫按之言。卽撫按亦何以再辭於百姓。況其所執者已頒之明旨。而其所不足信者乃撫按之空談乎。人人懷憤在在皆然。乃欲於解散之後執一二孱弱無能之人。號爲首惡而寘之法。以了目前故事。其於國體民情所傷不旣多哉。夫國

家之法凡文武各官偶因公事激變地方俱從三尺  
而內使激變數數卒未聞責及一人者卽撫按有言  
監司府縣有言百姓有言科道有言臣等九卿有言  
一切置而不理豈祖宗之法專爲文武各官而設  
乎抑亦內使之賢人人臯夔個個周孔有非臣等所  
敢望下風者乎且其時勢人情糾棘愈甚今日告變  
明日踵之此處方散彼處效之如在鼎沸若治絲枲  
萌芽滿地必將圖蔓之難身臂不調尤慮噬臍之及  
以茲景象近在几筵而坐視宴然將必至如何而後



可厯

皇上之慮耶

臣

等義關休戚念切安危萬語

千言不避斧鑕則其情誠苦而其心良非獲已者伏  
乞皇上留神省覽毋以人言爲不足惜毋以民情  
爲不足畏毋以禍變爲不足憂特賜施行以信前旨  
以覈仁恩轉亂爲治在此一機天地神人鑒茲一舉  
矣

仰贊聖心仁愛疏

趙世卿

戶部尚書  
萬曆三十一年

蓋自礦稅二務 聖恩賜罷旋復遲疑以致所在紛  
然各該撫按諸臣具疏上請不啻詳矣伏蒙 明旨  
一則曰朕心仁愛一則曰自有停止之日又以用心  
撫理巡察責之諸臣諸臣等益知 皇上之心未嘗  
頃刻忘情于四海臣民也惟是民罹礦稅有如湯火  
皇上既已出之湯火之中旋又納之湯火之內一時  
人情大覺洶湧若蒙 皇恩播前旨重申網解湯寬

民沾沃澤則明旨之所謂仁愛者莫過于此舉矣脂膏已盡門里蕭然喪亂可虞揭竿在卽則明旨之所謂自有停止之日者無過于此矣夫撫理者惟在安民巡察者莫先祛蠹若民無寧宇其何以安市有重徵蠹何由祛則明旨之責諸臣以撫理巡察者亦無過于此矣臣等細觀諸臣之疏有謂方使之感復使之怨則怨必深者有謂臣無顏以見百姓百姓亦何心以信臣者有謂地方之民稱說草野愚民自幼聞天子口中無戲言者有謂人心比舊愈加驚惶無不

日恐決終無了期者有謂逖遠邊方從來愚昧未識  
三殿于某期落成者有謂三鎮庫藏俱因礦稅搜括  
已盡兵食勢必仰給內帑悖出者其描寫民情之急  
備悉田野之言思之可爲寒心讀之令人泣下矧徐  
州有頑民之釁江南有羣小之倡滇中有圍燒公署  
之事廣有處處激亂之疏關中有致死縣官之慘一  
時清平世界致此地覆天翻此誠千古之所希聞人  
心之所共駭者也而皇上宴然深宮尤若未嘗聞  
者豈其聞之而姑以爲無傷乎夫天下之禍福造于

皇上之一心以爲無傷則其傷立見以爲有傷則其傷立消此理固然不爽毫髮臣等愚昧安敢撫拾煩言以贖天聽惟就諸臣疏中得之地方聞見最真最確者列以上請期以仰贊聖心以全仁愛千萬一耳實非好爲喋喋自取厭惡也至于停止之日在今行之爲已遲在後行之恐無及統惟我皇上留神省覽勅下臣等遵照初諭宣布恩德則以聖躬之安而奠四海之安亦將以四海之富而爲國家之富者乎聖德聖政所補非淺鮮矣

民生垂斃情可惻心天語已遵勢難反汗懇乞  
信舊旨罷重徵以救東南殘喘疏

趙世卿

戶部尚書

萬曆三十二年

臣聞古之言保民者興一利不若除一害蓋以興利  
則開端創始與民便張然能利旦夕未必能利於永  
久除害則拔本塞源與民休息然不爲禍之始是卽  
爲福之先世固未有不被之利反貽之害而民不怨  
者尤未有業燭其害蒲蠲之旋復之而民不怨之深  
者臣觀礦稅以來罄天極地一網無餘而民猶枵腹

忍死飲血偷生不卽以七尺殞溝壑者正賴此米糧  
此須轉輸交易庶幾備糴緩須臾以冀異日之大  
平爾近接邸報見蘇松稅監劉成奏爲軫念災荒廣  
推德意懇乞 聖慈稍寬商旅以濟民生事奉 聖  
旨前有旨米糧柴薪民生日用之需不許徵稅以昭  
朝廷因災救荒德意這奏內蘇松四府稅課六萬之  
多米糧之稅居半爾還會同撫按委令有司酌量徵  
收准照全浙額課四萬兩解進應用待朝門三殿工  
有次第奏請停免毋虧國課亦不許因累商民該衙

門知道欽此

臣

捧讀再三不勝驚怖夫此一稅也

此天心降禍淫潦肆千里洪濤瘡痍滿目閭閻

之臺省言之地方撫按勘報言之纔博明綸蠲此一

稅命下之日萬姓懽呼以故舟車始通戴負擁至野

無菜色之殍而家有裹腹之人唯是恃此一着得以

延至今日也然事之始也有張燁馬堂之銳行事之

殷也有高淮之疏請諸璫同心真如拯溺無非兢兢

仰成德意云爾

臣

等方慶天下自茲可漸無事乃今

劉成所奏者原欲減米稅于六萬之半而皇上之



所行者猶欲酌徵收于四萬之中豈以惻隱一念貂  
璫尚自勃勃顧以聖明如天好生而反有不然者  
乎抑亦視此日之民生頓異往昔乎不知蘇松四府  
夙稱重賦又號澤國年來千里赤土盡成野火之墟  
四隩滙流大爲魚鱉之藪我皇上深居高拱隔若  
九閭目不繫閭閻困苦之情心不悉市舶蕭條之狀  
意必以是爲奇貨可居竊念此區區米糧惟水陸兩  
途耳由陸者坂道泥途車不通軌肩挑背負僅以斗  
計而又出入于強禦之途是與虎狼分食者也由水

者橫流淺激舟不過舠小艙低戶僅以石計而又往  
來于風濤之中是與河伯爭命者也又其所挾之貲  
非鬻賣妻孥以圖朝夕則鬻貸子母以逐刀錐茲一  
旦復羣起而奪之坐使束手街衢裹足里巷市司增  
價比閭空烟富者廢居失業藏之紅朽之地貧者金  
懸壘耻驅之荏苒之間將不揭竿而起則解維而奔  
耳縱使稅臣殫力經營寧能與千百爲讐而藉其一  
文之用哉臣言及此臣心欲折伏乞皇上擴天地  
之江垂蔭屨之照信一定之詔旨察萬民之隱情凡

一切糧稅照舊蠲停原定額銀慨從減半則不惟東  
南子遺含哺鼓腹而胥天率土在在更生其於頌揚  
盛美寧有窮乎如謂額不可虧亦乞勅下撫按從長  
酌議另行處補此亦千難之中不得已爲民請命非  
永永便計也方今宇內稅監如川中丘乘雲者素稱  
安靜近祇以蒼溪渠縣通江秋林變故肆起戕殺多  
人豈其意念所安抑亦事理必致天下事已然者已  
如此矣寧堪再益之擾乎伏惟 皇上秉利害而斟  
酌之立賜允行以清禍本則宗社生靈久長之福也

臣愚一念朴忠遇事喋喋總爲國計非爲身謀再惟  
我皇上鑒原而宥赦之曷勝激切祈懇之至

信諭旨以安聖躬以安天下疏

九卿公疏 萬曆三十二年

臣等於十六日夜漏下二鼓接 聖諭盡停礦稅臣民歡呼自夜達旦無不翕然頌祝者次日復聞 聖意尚欲必行百僚惶惑萬民愁嘆無不黯然失望者臣等於時卽議具疏上聞復以聖躬未寧未敢輕有陳奏比見 皇上批答章疏如平時仰諭聖體清安乃敢合詞以請夫聖躬由病而就安 臣等所同喜也聖德已光而復晦 臣等所同惜也四海冰火之民一

旦釋之復一旦增之千秋堯舜之名一旦得之復一  
旦失之陛下試觀累朝以來有此政體否此自

聖心所明不待原等詞之畢也夫皇上所敬者天

地凡有災福皆天也皇上寬民之諭一下海內歡

忭感頌者且億兆人豈有億兆人歡忭感頌仰天而

呼而天不聽聞者乎取民之旨一下海內咨嗟愁苦

者亦且億兆人豈有億兆人咨嗟愁苦仰天而呼而

天不聽聞者乎財與民孰重財與天之喜怒災福孰

重則皇上保民保身之策頃刻而可決矣人之一

身在身內者爲重在身外者爲輕。皇上新瘥之後  
正當凝神靜攝一切外物勿以嬰懷。試思前日之病  
侍御清前何人可以代之。冰玉滿筵何物可以療之。  
適知在身外者與身全不相關。當其急迫總屬無用。  
何苦以無用之物而敝有限之精神以營之。臣願  
皇上省思慮以養神。平喜怒以養性。布恩惠于天下  
以養神。夫天下之苦極矣。其望前論不啻眼穿矣。甫  
慰其雲霓之望而又中吹之不敢復望矣。夫二三之  
令失億兆人之心。亡且有緩急有詔命不敢復信矣。

臣等所慮萬端有心不能盡有辭不能盡但願皇  
上力行前諭以安聖躬以安天下臣等不勝懇切仰  
祈之至



丞勅正法以平衆怨以解阽危疏

溫

純

都察院左都御史  
萬曆三十二年

臣等據廣東陝西雲南各官撫按揭稱各稅官激變  
事情已該兩京科道相繼叅奏臣等亦同戶部等衙  
門叩闕上陳豈其得已竊謂皇上見之必惻然思  
急捕諸奸而置典刑也迺日蒿目以候未蒙允發豈  
以報者爲虛聲而受者非實禍耶臣等所聞其禍  
之烈更出於奏報之外其安危關係有若無傷而  
傷已甚若無奈何而在戎有不暇謀不能挽回爲諸

臣所不忍言者臣等以言爲責又安忍不言夫自礦稅肆害民間苦楚之狀皇上亦聞之數矣然騷擾內地魚肉閭閻已不堪未有潰而夷狄棄而君臣如廣東稅使李鳳所爲者又有縱殺三命立斃縣官如陝西稅務梁永所謀者嶺南遠在極荒與倭奴厓隔一海卽加意撫綏尙慮易搖難撫何李鳳張牙露爪藐視明旨朱壁題扁妄意興工內劫粵夷外鈎紅夷圖逞私膽輒開邊釁飛而食人甚于虎狼豈止欺孤虐寡積寶堆珍淫穢慘毒如按臣李時華所陳耶此

而不問必待冠履倒置胡越交訐而後爲之所將無  
及矣秦嗣僻在西壤與諸虜厓隔一牆年來軍餉數  
月不給礦稅織造一時並舉加意奠安猶懼軍闕于  
餒民散于擾何梁永敢招亡納叛貽害生靈置吏張  
官擅作威福殺無辜之三命死循良之縣官時聞三  
秦攘臂誓不共天又豈止渭南一縣髮指冲冠如撫  
臣賈待問所陳耶此而不問必待豪傑解體人心嚮  
應而後爲之將無所及矣大率邊方之民竊隙易動  
乘變難弭窮則赴海越塞急則响導招呼靡所不至

今廣南爲東之極邊關陝爲西之極邊相繼搏激冤  
慘莫控而萬里雲南騰越又見告矣蓋楊榮之凌官  
虐民不在李鳳梁永下也夫遠近蒼夷孰非皇上  
赤子平時剝脂膏以償稅使之欲非順稅使順皇  
上也而今以草菅視之民命殘酷國家之邦本日薄  
郎官宰牧孰非皇上手足平時殫力以應稅使之  
求非屈稅使屈朝廷也而今以贅麗視之善政而  
國家之命脉日索總之稅使借皇上之威福以十  
計叅隨又借稅使之聲勢爲聲勢以百計土棍又借

叅隨之牙爪爲牙爪以千萬計宇內生靈之困于賦  
稅困于水旱困于採辦造作轉運者方處處無樂生  
之心而能勝此千萬牙爪之吞噬搏擊否 皇上不  
觀楚事乎楚在去年此日是何等景象在今年此日  
又是何等景象楚有一陳奉則全楚皆陳奉而楚事  
危楚去一陳奉則全楚無陳奉而楚事安纔一更置  
楚民之倒懸漸蘇并礦稅盡行停止不知閭閻之懽  
呼而頌聖德者又何如伏乞 皇上檢各省撫按之  
疏體各省亟救之情大奮乾剛毅然獨斷將李鳳巖

遺下理梁永楊榮華任回京嚴勸官民致死根由拯  
四七 采之民解一時矛戟之勢礪悅一遵前諭停  
止尙 汲汲之變亂在 皇上一轉移間耳不然  
恐一呼百動一動百動天下之大事且去致他日追  
悔欲如今日之易稅不可得矣 等卽捐軀而效何  
益焉